

**EQIKKAANEQ**

Civilafdelingen

Dato: 11. april 2016  
Kontor: Nordatlantenheden  
Sagsbeh: Sabine Heestermans  
Svendsen  
Sagsnr.: 2016-490-0034  
Dok.: 1918491

**Suliassanut Kalaallit Nunaannut tunngassutilinnut naalagaaffimmi oqartussanit suliarineqartunut suliarineqarsimasunulluunniit paasitinneqarsinnaatitaaneq pillugit inatsisip atuutilersinneqarnissaanut kunngip peqqussutissaanut missingiut**

Ulloq 1. januar 2014 paasitinneqarsinnaatitaaneq pillugu inatsit atuuttoq (inatsit nr. 606 12. juni 2013-imeersoq) Danmarkimi atuutilerpoq. Inatsimmi § 43 malillugu inatsit suliassanut Savalimmiunut Kalaallit Nunaannullu tunngasunut atuutinngilaq, kunngilli peqqussutaatigut suliassanut taamaattunut, naalagaaffimmi oqartussanit suliarineqartunut suliarineqarsimasunulluunniit, atuutilersinneqarsinnaalluni.

Kunngip peqqussutissaanut missingiutikkut matumuuna siunnersuutigineqarpoq paasitinneqarsinnaatitaaneq pillugu inatsit suliassanut Kalaallit Nunaannut tunngassutilinnut atuutilersinneqassasoq.

Siunnersuutigineqarpoq suliassat tamakku eqqarsaatigalugit inatsit atuutilersinneqassasoq annikitsuinnarnik allanngortillugu. Tamatumunnga minnerunngitsumik pissutaavoq inatsit Kalaallit Nunaannut atuutilersinneqassanngimmat, taamaallaalli suliassanik Kalaallit Nunaannut tunngassutilinnik naalagaaffimmi oqartussat suliarinninnerannut atuutilersinneqassalluni.

Tamatumunnga atatillugu tunngavigineqarpoq – taaguutip ”naalagaaffimmi oqartussat” atorneqarnera apeqqutaatinnagu – matumani pineqartunut atatillugu naalagaaffimmi oqartussat kisimik pineqanngimmata, kisiannili pisortani oqartussat, kommunini nunallu immikkoortuini oqartussat aamma ilanngullugit, kiisalu suliffeqarfiit imminut pigisut, paasitinneqarsinnaatitaaneq pillugu inatsimmi § 3, imm. 1, nr. 1-imi 2-milu taaneqartut, pineqarmata.

UKA/18

Suliap normua. 2016-11618

Paasitinneqarsinnaatitaanermut inatsimmut sanilliullugu kunngip peqqussutissaanut missingiutip minnerunngitsumik assigiinngissutigivaa, peqqussut suliffeqarfinnut il.il. paasitinneqarsinnaatitaaneq pillugu inatsimmi § 3, imm. 1, nr. 3-mi, § 3, imm. 2-mi aamma §§-ini 4-mi 5-imilu taaneqartunut atuutissanngimmat. Tamatumunnga pissutaavoq suliffeqarfiit il.il. taaneqartut naalagaaffimmi oqartussanut ilaanngimmata, taamaattumillu, inatsimmi § 43 naapertorlugu, taakkununnga paasitinneqarsinnaatitaaneq pillugu inatsisip atuutilersinneqarnissaanut inatsisitigut tunngavissaqarani.

Tamatuma malitsigisaanik taamatuttaaq kunngip peqqussutissaanut missingiummi aalajangersarneqarpoq allaffissornikkut peqqussutit paasitinneqarsinnaatitaaneq pillugu inatsimmi §§-it 4 aamma 5, oqaatigineqareersutut suliffeqarfinnut il.il. naalagaaffimmi oqartussanut ilaanngitsunut inatsisip atuutsinneqarneranut tunngasut, tunngavigalugit aalajangersarneqartut, suliassanut Kalaallit Nunaannut tunngassutilinnut atuutsinneqassanngitsut.

Pissusissaatut oqaatigineqassaaq paasitinneqarsinnaatitaaneq pillugu inatsisip atuutilerfissaa Kalaallit Nunaanni oqartussanut atuutissanngimmat. Oqartussat taakku eqqarsaatigalugit malittarisassat Kalaallit Nunaanni akuerineqarsimasut atuutissapput.